

¡BOMBA!

Aprender box es pretexto
para otra necesidad:
es de gran utilidad
si escriben libros de texto



K'intsil

Martes 17 de febrero de de 2026

CAMPECHE · YUCATÁN · QUINTANA ROO · AÑO 11 · NÚMERO 2665 · www.lajornadamaya.mx

Kaxta'ab México juntúul túumben kaan kaja'an yáanal lu'um, u k'aaba'e': Yakacoatl tlalli



Oochel UNAM

Jump'éeel u túumben jejeláasil kaan ku máan yáanal lu'um k'aaba'inta'an Yakacoatl tlalli kaxta'ab tumen junmúuch' máako'ob beetik xaak'al, tu'ux ku táakpajal máaxo'ob ku meyaj Universidad Nacional Autónoma de México, Benemérita Universidad Autónoma de Puebla, Universidad de Texas yéetel Consejo Nacional de Investigaciones Científicas y Técnicas, (Conicet), beey úuchik u ts'a'abal k'ajóoltbil tumen u mola'ayil Secretaría de Medio Ambiente y Recursos Naturales (Semarnat).

Kaan kaxta'abe' ku chíikbesik tuka'atene', Méxicoe' jump'éeel ti' le

noj lu'umo'ob tu'ux maas jach ya'ab u jejeláasil kuxtal yaan ichil tuláakal yóok'ol kaab.

Ba'alchee' kaxta'ab ti' jump'éeel u kueenkail u ríoil Balsas, ti' jump'éeel banta tu'ux ku tukulta'al yaan u ya'abil le kaan j-ila'aba'. Le tu'ux ku yantale' xerófilo u k'aaba', leti'e' tu'ux maases tikin, ma' ya'ab u k'áaxal ja'i, óoli' je'ex desiier toe'.

Yakacoatl tlalli, chan kaan kaxta'abe', ku ye'esik yaan kuxtal kex wa tikin lu'um. Le beetike' ku béeytal u bin u yojéelta'al uláak' ba'alo'ob yóok'olal ba'alche'ob yaan tu noj lu'umil México.

U kaanil Yakacoatl tlalli ku máansik ya'abach k'iino'ob ti' u kuxtal yáanal lu'um, le beetik juntúul kaan jela'an, ts'o'oke' talam u yila'al. U wiinkilale' no'oja'an ti'al u béeytal u yantal yáanal lu'um tumen yaan jump'éeel u eskaamail jach je'ex beey jump'éeel palae', óoli' beey jump'éeel ni'e'. Yéetele' ku béeytal u séeb páanik lu'um k'as tikin.

Kaane' méek'a'an tumen u baatsil Sonorini, junmúuch' mejen kaano'ob mina'an u ts'aako'ob yéetel u vojelo'ob kuxtal yáanal yéetel tikin lu'um. Tak walkila' chéen óoxtuul ila'ani', yéetel chéen juntúul kuxa'ani'.